

仰睇圓顛天俯閣古今宙是山豈危巔實自開闢有  
青冥逼虛空渾璞謝雕鏤中峰眎群嶽僅若纂組綬  
而况原隰包遠近錯文編灑氣方襲人落景已銜岫  
從來四五客一二耆年舊餘如芳蘭茗服美魚鱖就  
佳哉采真游吾哀恐難又

旦發漁浦夕宿大浪灘上

張帆得順風飛鴻與爭疾後浪感亦舒前山過如失  
桐江轉數灣上瀨未入日鷲工亭安便坐穩頭屢擲  
人生倚造物理微難究詰處岫安可常離憂詎能必  
白鷗知此情故向波間沒

柳待制文集卷之一

柳待制文集卷之二

古詩

五言

度居庸關

居庸朔方塞始入西崖張行、轉石角細路縈澗岡  
層壑倒天影半林漏晨光崎嶇里四十所歷萬羊腸  
千輻絡前後兩軌通中央谷開稍夷曠在險獲康莊  
豈唯遂生聚列壘參鴈行激流或機磴架音創亦僧坊  
我來山水窟愛此不能忘是日新雨已浮嵐亂霧裳  
水聲與石鬪風飄韻清商跼蹐不知高游雲翼超驤  
苦牒曩有聞經途今始詳緬惟古塞北八州猶漢疆  
控扼識形勢會同知樂康屬茲景運開六服聯綏荒



西京備巡幸離宮度相望守獄將考制如祠匪求祥  
式瞻龍德中足徵皇業昌請繼王會篇勿磨祀招章

李老谷閻子規

杜老聞子規近在東西川猶云感時物投淚寫幽憤  
今我行塞徼子規相後先時夏雲景晦鳥呼搖空烟  
響入樹宵啼垂血漣想知岐路難不恤軀命全  
千聲復萬聲喚我歸言適苟非木石心豈免腸內煎  
江南叢薄間有花名杜鵑開時是鳥至相戒治春田  
不歸如江水負此今五年風土孰云異物情要有遷  
寄策勿浪出祝爾還自憐嚴程趣行邁且復揮吾鞭

龍門

一溪瓜蔓流渡者云可亂屢涉途已窮前臨波始漫

巖：龍門峽石破兩岸半沙浪深尺餘灣洄觸垠岸  
它山或澍雨湍漲輒廉悍頃刻漂卑輪羈絡不能絆  
其源想非遠衆水自茲濫濟淺抑何艱慮盈疑及患  
峰陰轉亭午出險馬蹄散草路且勿驅煙闕望前館

望李陵臺

平沙北流水青山在其上李陵思鄉臺駐馬一西向  
草根含餘淒峰尖入寒望俚言雖莫稽陳跡尚可訪  
想其深入初步卒亦材壯手張天子威氣奪名王帳  
覆軍陷因虜此志迺大妄一為情愛牽皇恤身名喪  
縷：中郎書挽使同跌踢安知臣節恭之死不易諒  
河梁執別處出語謾惆悵家聲故燁赫三世漢飛將  
兵法有死生人運迭休旺忠回在信史豈沒功罪狀



馬遷當腐刑強欲雪其謗土思豈能無層雲塞亭障  
千年麒麟圖吾將執玄鬯

五月八日至上都國子監作

今晨得佳馬驛行趨上京却顧沙卷幕前瞻車載旌  
翠華戒鳴暉肅遠有聲馳道無十里雲開雙闕明  
跡既阻奉引班非陪列御言尋園壁宮紆徐臨雉城  
第地三數畝虛堂十餘楹稍加溉掃勤得遂憩息清  
韓公博士年實教東都生今我最冗官懷鉉從北征  
古來玄朔地雅頌亦鏗轟豐苞德甚廣常編義尤精  
前修有軌轍後生多俊英抑將授何業可使器早成  
寧無子衿刺僅免吏牘嬰高居謝暑濁曠矣義皇情  
曉發龍門次獨石賦呈揚廷鎮修撰

日：思南歸乃逆北風去北風不貸客吹雪作寒  
明當發龍門一昔屢驚怖男兒事結束辛若在岐路  
奉命有程期遭迴豈去據沙平占斗行野斷蹴冰渡  
重貂襲裘帽矯若執素據鞍肌骨痛勁氣腸內注  
口鼻一吸噓噴噴上露：泣已成嘶虬張本非怒  
瞻前獨石近投館薪火共聯鑣有佳友執醜起相語  
我實孱懦姿踰五已斜暮隕居尚火欣遠役宜多懼  
明廷集鶴鸞燕雀一二數曷不捐半菽啄抱隨所慕  
置危而易安正以縻爵故先廬越西陬亦有返耕處  
吾聞知幾士顏子其殆庶翻：不遠復綽：有餘裕  
贈君白雲篇還我歸田賦

乘海青車過赤城鵬窩

花通作抱鳥  
伏野也歸鳥  
黎嵩士許宜  
則下天生變化  
在呼苑



小車簾為巾中箱劣容坐服轅一牡良貼鞞而駉佐  
輕行涉嶺坂捷若風鶴過手雖息鞭箠身已倦軒轅  
世間取快事往、遭蹙挫吾歸亦是客奔迫理誠那  
緩馭良自佳山光曉來破一瞬數里踰浮青猶幾個  
逢迎不我舍知我行意情故園果下駒三歲想勝馱  
閒從白社遊閒即豐草卧成吾看山福豈不在老大  
送俞伯貞祝蕃遠下第南還三首

關塗將進賢設科大菟羅有司執衡度稱物平無頗  
一語不從律萬言徒自訛微他已什百小軋能幾多  
完此不雕玉虹光亘巖阿

接遲兔園讀已後澤宮射西豪吾所賢九軌看方駕  
奈何恩子弟竟使劉蒼下文章如群龍其智可變化

乘乾忌孤剛君子有用舍

北學自姬孔此道日星垂春陵建南標紫陽煥重薇  
何常限風氣但務開民彝我肯弄詞翰屢亦逢點嗤  
歸歟理吾書與子指秋期

十二月七夜畏寒無寐閱陳景仁都曹雲南  
行卷為和雜詩八首用其韻而不用其意蓋  
景仁之作在賦詠而予之狂言則發于興比  
之間要不必同也

古樂入今耳聞歌纔一成頌鐘在高懸淫哇不能聲  
彼昏但坐睡我聽心和平冒不薦廟郊使之配咸英  
式觀三雍拜遂陪于畝耕

天驥不可得我嘗有其圖非無相馬法僅出智之餘



騏駟與駟駟一：隨指呼罌鬻性豈異區分意何與  
求之銜屨間徒以利為漁卑哉論形侶蹄泚語江湖  
豪氣久已無詩成羞自喜是中高：樓安敢卧餘子  
十步九跋躑百年三仕已方輪豈能行曲几無足倚  
有田歸去來編名附閣里

青山引寒望趙北與燕南孰云古人跡不使今人探  
謬從下士秋章服裏朱藍聽雞鼓統：懷謁府潭：  
孱顏入我夢五年心內慚此丘元不思彼泉豈其貪  
一笑擲憂患浮曦在圓庵

日月相麗行有時而曷虧君看明堂柱基構實不：  
人心即天理何嘗有敵危制政自惟慳流風被疆陲  
轉旋乾坤正綱紀賴不墮已日歎孳草繼明仰重離

歲功適已成初寒無怨咨

嘗聞學道人即有以觀無如何彈鋏聲嗟：為車魚  
董生漢儒者卓哉彼丈夫當時江都相豈視大梁屠  
仁義言藹如我興久謝

陳君自少年高步已青霄邇來鞍馬間髀肉漸：銷  
美玉琢廟筭胡不再以瑤乃令坐郎署兩鬢日蕭：  
君子尚難進躁夫率狂飄皮冠豈非禮寄謝虞人招  
大龜尺二寸至竟有何神備物使納錫乃在九江濱  
我昔用支床吐故以納新苟能避錯灼何必愧泥塵  
養生實有主狗名豈其賔

舟次衢州

迢然青霞君問我廿年別南洞復西泚有行何屑、



京塵苦未浣，玄葆變霜茁。是身本不賢，吾計乃自譎。  
情知祿萬鍾，顧豈在筆舌。毛雖強解事，塗抹豈駕說。  
從誰飾竿牘，若已負羈紲。停舟此水濱，滯慮一深雪。  
可能招翔鸞，為爾恨啼鴉。珍重幽桂叢，高枝待予結。

晚泊晉溪遊象山昭真觀

舟行弋陽道，山石多異狀。嵌空露鍾竅，屹立儼珪甃。  
沿洄百數里，瓌鐵森相向。最奇象巖下，仙館占丹嶂。  
舍擢遵微行，松篁插雲上。開門看青壁，左右挾高閣。  
飛雨灑面來，輕颺入簷颺。道人出迎客，牖戶坐南嚮。  
延登昇仙臺，境肅神滋王。不知日車側，但覺天宇曠。  
我生名山遊，正費屐幾幾。西采真喜初，遇戀勝期屢。訪  
布帆催夕舉，未敢恨飄蕩。水深彭蠡湖，回睟更東望。

杜家三舅濟陽官，滿明年當致其事。來洪都，  
取薦牘，却携家東歸，留連數旬，醉吟惜別。

舅家內外媼十七，著門閭，鼎遷變，則大強半異存。沒  
沒者風燼，銷存者枯林。抗宦遊四十年，翁今亦華髮。  
征商上考第，休致迫期月。取別來，枉塗親情為之竭。  
小留寧久，仰見圓蟾缺。官餐無厚味，歸袂當明發。  
言尋九江挖，轉上吳門筏。還山朱夏初，生事及薇蕨。  
歡顏撫群稚，一洗道間嗔。仕宦至懸車，如射釋於筈。  
又如解奔鞅，回謝彼銜縶。遂收塵土軀，并棄摧門謁。  
百年百醉醒，飄風幾何忽。背雖無鮐文，頭已有壽骨。  
飲水看三丘，青山青碑兀。

送劉叔謹赴潮州韓山長



揭陽海陬郡谿谷藏霧毒賈區乃在城積居跨南服  
凡今仕者往喜氣溢僮僕非輕萬里途蓋喜千金蓄  
子行携束書言就韓山讀韓山祀昌黎有酒有肴  
騎麟想來過時攬遺蜀汎除蠻風清沾溉時雨足  
以茲為教育如日升若木何必鰲遊溪已看雞應卜  
今人慕古人未免傷抑促儒官實閑散歲廩七十斛  
飽飯取詩哦雲月與追逐寧無趙子徒彈琴和子筑  
是將實裝橐果勝羨梁肉毋羞官輟卑所志三年穀  
子其厚韓山曉我歌獨澆我歌倘無證併訊兩黃鵠  
康端玉蔡輔之和子言懷之作清整可愛因  
再用韻答贈二友  
自吾得二友所譚皆古初如臨左右鑑併引後前車

相觀善已至薄發穢全除詩成諷在口道契微諸書  
並秀方卓爾早衰獨紛如念茲鉛槧業未棄樸斷餘  
衆塵適可厭一袂豈勝拘問因邪轍仆覆謂正途迂  
賦無藉鸚鵡祀有及爰居大雅屬寥闕斯文竊涵濡  
自彼柯葉改何嘗本根無裁將騏驎剝飾作馬牛裾  
世雖混空假聖猶公毀譽虞歲不在歎士擊僅如狙  
此物有合氣非秦獨能廬區：學章句吐：事歌歛  
若已困糠粃從誰問薪芻涓流積至海廣陌莽成墟  
我徒慎修習世好等垂珠虫：喜賈者取謚信為愚  
林敬輿將赴宜春筦庫之任過鍾陵訪子官  
舍道別來出處相對惘然即賦為贈  
吾聞昭文氏鼓琴息其生聰者耳無聰謂琴有虧成



玄木朱絲絃備之以聲形奈何至治音卒負不平鳴  
敬輿江夏來又欲西南征闊別十五年撫鏡各星  
人生不滿百憂患每相嬰覆鼎有傾否僭車無折衡  
霜松獨也正受變愈青；拒臧已糞壤孔孟猶光晶  
儒者有要歸體用實兼行無輕平準書操奇制其羸  
此事足為理豈以任易耕三歲如風花瞥眼秋葉零  
宿染尚可戀息炬自全明宜春州郭小山水刻且清  
便將夔夔比益使賦詠精妍辭難為好苦力特易盈  
涌我塵土胸漱君瓊瑤英進琴出竊語為悉別時情

送富州章仲實判官解歸

豐城縣為州民若事叢脞雖憑節制尊未底折揚卧  
吾原共理心憂不在吏課授人以太阿芒刃能勿挫

章君一屏星駕用良馬馱人言甲科郎屈跡郡丞佐  
置之奔輪間寸跬無少蹉夫知勤保惠不計減寒餓  
才多適自煩有席不煖坐最其窮收功連壑富杭輿  
君去誰則來毛髮責吾過今年秋風高更畏茅屋破  
吾聞為歎息此道無坎壈詩書有利澤元造所蓄播  
是心苟不存卿相徒爾大起瞻東壁明詎患南箕簸  
君懷有至寶萬金難並貨慎德抑良圖餘事堪一唾  
行舟未覺遠雲樹渺千箇寄聲執法家須君警貪惰  
鄭萬里再起廣東辟書題其所藏深村晚景

圖用以贈別

江西到南海滿橐貯山川融液出騰語泉珠瀉勻圓  
誰無疑意莒我見皆雲烟餘情在所寄手把無聲篇



寒閣攬秀色群玉數峰前洪崖顧之笑言嘗拍其肩  
豈有雙太阿埋晶斗斗邊寒廳夜來夢五羊載五僊  
騰景道君御海童歌後先澗中菖蒲根綠節如蜿蜒  
凝烹作鼎實薦進旅盤筵是物能益氣於人可長年  
唯應雲中君解頤為君妍功名來無期進思方沛然  
題詩代畫記蹇淺詎堪絃

題牕外木粟叢

木粟比經雨抽稍將過尋藩籬苦不高爭長意駸  
愛此莖葉間綠縵映蕭森簷前數步地藉以成幽陰  
稍令晨光薄豈憚午暑侵戎屋如橫舟風來一開襟  
淮浦萑葦岸越江篔簹竹林似人見眉睫失喜聞擘音  
新結供歲晚揆糧待秋涼小得儻作勞不歸如此心

貞一鍊師遣舟輿招遊玉隆留詩山中

故人丹丘侶招我雲林行雲中逍遙君高居白玉京  
不知幾塵隔笑領相逢迎肩輿五十里細路田間縈  
半途迫曛黑一炬借微明映壑臺殿出入林風物清  
曠然莽蒼墟翠氣鬱崢嶸仰見星斗光安眠已三更  
晨升紫蘭藉辦香致吾誠何期奔走中獲踐仙者庭  
晉栢已槎枿柯葉上青海桑知幾換風霜亦屢驚  
使非丹液滋即是劒器精至今咳陞邊鸞鶴時來停  
五馬昔浮江龍戰方縱橫楚氛則甚惡觸波多駭鯨  
神兵一飛出坤道載承寧愆哉微禹歎但詫仙道成  
斑：函白迹古石託堅貞如求造化樞揣想以其形  
白雲在遙天何嘗繫浮蒸已去忽復來神存於杳冥



四溟環五嶽范大八紘仙君所過化山川實揚靈  
年：八月秋來歸雲作軒至人懷其鄉其心常悻  
麻姑後千載時猶過蔡經弭節城陽宅亦有許宣平  
錦帷雖飄去闢堂樹瓊旌况茲賢主人重有能詩聲  
口吟藥珠篇手攀琪樹英客至輒授館命庖羞膳烹  
時春雜花發景風暢新晴開軒得憩息衆鳥方嚶  
覽物忽有興睽然懷友生京遊我維舊嘗同車笠盟  
既果名山期復愜滄洲情中歌不成章聊希蚓竅鳴

渡湖宿麻子港口

青山彭蠡尾湖水始生岸一舸破微瀾風帆用其丰  
亂流二百里午發至未盱蒼茫洲景中明滅津烟畔  
數家小聚落漁竈倚灘饗舊聞荏苒閒弱肉飽強悍

時平道路清跋涉得無患豈非年穀豐禮義能服叛  
嚴：主湖神牲酒滿杯祭乞靈我豈敢雲黑掃烏散  
鱗師促轉柁軋：鳴鸞鶴前瞻麻子洲波面明星爛  
新別重有懷縣情如此案

重遊象山昭真觀憩祝丹陽齋迨晚登舟作

偏仄小舟中動目喜清曠仙山在眉睫彩翠紛千狀  
林扉延客步入谷跡逾放洞戶如鐔廊灑瀑層雲上  
不見泉液溢但覺池流漲烟霞儘清淑草木無冗長  
古人所題字鐫刻尚適壯不然身後名千載有真妄  
山中丹陽子與我同雅尚京華十年別相對疑夢想  
髻髮將還童藥成猶靜養褰閤曲密房苦笋煮可餉  
病身正怯飲坐息得踈暢欲起復徘徊蒼陰稍移丈



東歸路更長  
篙師催進榜

我昔京城居

我昔京城居  
思山見山少  
今還蓬廬卧  
山雲日繚繞  
青山如高人  
特立萬物表  
方思謂有餐  
久既復不飽  
門前再成丘  
其上可延眺  
岡巒四塞中  
蔽翳一盞小  
烟雲所出沒  
變態異昏曉  
宇宙幾塵漚  
心目俱照了  
孰大混鴻濛  
孰細入芒秒  
不必載尻輿  
超騰閱齊趙  
茲惟龜殼屋  
左右幕篁篠  
習忘我豈能  
况欲觀其微  
靈景既內澄  
游紛徒外擾  
推琴跋殘燭  
閉戶月皎

曹尊師求白雲樓詩

鍊師養母處  
白雲謫九朝  
飛映皓鶴暮  
返隨青鸞  
興言芝木食  
未嘗菽水歡  
母年不滿百  
真歸葵空山

雲來復雲去  
淚皆詎能看  
飄飄簷前景  
杳沒堂上顏

茫：天地間  
人雲同一觀  
故雖仙者形  
安能久堅完  
逝川日法：理  
定無回壘  
名教信可樂  
孝行垂不刊  
吾聞棲居人  
鋤雲種琅玕  
大丹幾時熟  
吾當候仙壇

昔仙華方先生  
晚最嗜吟吾鄉  
詩道嘗一昌  
矣自公下地  
寂寥無聞余  
每深慨於斯  
閒居多暇  
方哀公手澤  
為卷得公山  
中竹醉日感  
舊寄贈之作  
輒追次其韻  
寫寄其嗣子  
壽父

孫壻吳立夫

倚嗟巖南叟  
久化冥漠君  
巫陽不下招  
宿草荒秋雲  
篇章一二在  
旖旎揚餘芬  
誰昔開雅頌  
世方踈典墳  
重此窺制作  
悵焉遠興群  
道散五十載  
于今歎彌文



巨窮積石原但涉九河濱不知黍離降遂及東門扮  
公誠後死者幽明已中分絃歌三百首烈火豈俱焚  
向余黍末至於茲愴前閭嘉穀雖屢歉早苗猶足耘  
嗚呼召公臣閔下如蒼昊胡不扶雅道廓然蕩埃氛  
公詩載揚熙與世析朝醺

十一月十六日為仙華先生寓祠植碣于其  
墓北化城僧舍里之交友咸來會祭歸而成  
詩用識斯事

先生隱仙華卒英仙華麓淒其十霜露墓草今幾宿  
永惟不朽事諫行富有屬業鉅自宜久才微豈堪服  
重予師友義龜勉承記錄鋪菜雖弗工序述皆可覆  
平生有道碑此筆知不辱但嗟無繅藉吉薦黍嘉玉

成碑懸窆後合置庭之曲奈何荒阡中風日所飄暴  
乍可牛厲角敲火防童牧十夫舁致之寄幕託僧屋  
併為近墓祠軒泉薦寒菊交朋響然臻杖屨或不連  
意氣有歆動夫豈為看菽茲山望其廬教里入陰谷  
離：紫翠間歷：盤游躅定應挾飛仙時來蔭雲木  
微吟應吹鶴高舉還騎鵠誰家松柏墻行鹿不敢觸  
運往無殉史夷陵已為陸春花照黃壚有酒無茅蔭  
先生死布衣桐棺僅能束葆茲泉阿藏免彼塗芻蹠  
斯文在天地千歲如轉燭顧其不亡者往過來已續  
雖微冢瘞文尚有藁充麓清詩數千篇一：汰魚目  
簡鬼付方來後死慚不殺藏之于名山斯言可予復

秋往蘭溪訪吳正傳錄事

禮祭未事加于  
禮宜道也酒于  
其上謂之香左  
傳無以備酒全  
作縮言其能同  
也



終歲困拘鬱出門欣有行策蹇輕百里駕言尋友生  
是節秋雨歇新霜初戒晴拍林朝日中絳纒綴珠英  
青山似為我出此相逢迎雲卷原野闊潦收沙水清  
入嶺復出嶺江蹊抵微平古塔如拈播冠山表孤城  
投館已曛黑昏燈照初更有形即有役百歲徒營營  
幸茲閒放日且無塵務嬰初非休所畏其來為交情  
吾人文字歡至味若銅羹又若朱絲絃三歎有遺聲  
所以麗澤益展然君子貞學功苟堪補過時豈無成  
安得縮地法念來頻合并

寄題蘭溪州學挹翠軒曾子素使君題榜

庠齋小如舟雅興東峰對東峰動曾翠飄落楹戶內  
時春宿雨過芳事適已退松高或十尋艸長將再倍

衆綠乘風來掩苒發朝采廣文曹務簡宴坐得神會  
長歌樂泮詩小息元戎隊白酒彼何功青山吾甚愛  
名軒以其實心賞惟有在枕藉山水間未省著闌闌  
斜陽隱江郊正與飛鳥背峰端片雲出舒卷亦多態  
誰持白變蒼強挽明入晦人生郵傳耳百歲幾更代  
不朽不在名毋庸啗湛葦

五月十一日瘞天後獨坐齋中感歎成詩

吾兒志端完不與短折類受命胡弗長疢疾并為厲  
始瘡謂旋愈荏冉半期歲鑿來為我言咎症在肝肺  
飲齊兼涼溫補肺瀉肝氣善方無竒功蓋有利不利  
教宵覺增劇一語無端畏藥食方在咽冥然如大寐  
兒年纔十三聲具成知雖微警敏資強學差有志



八齡入講肆玩愒不一二何嘗踈筆墨頗似好文藝  
吾宗久衰落望以無失墜吐哉桑榆晚見此芝蘭悴  
三世攻詩書樹德有餘地中間從薄宦常恐負明義  
庶期孫曾成食有不歛穡兒生亦何為天固予術慧  
不令悅我老忍更奪之易中殤禮有服弔哭當為位  
老吾今望七就木身如寄愛兒若愛苗矜三佳成種  
將秋忽斬艾造物果吾棄廢放安足嗟哀顏復誰慰  
坐齋日方永清風歷軒砌長歌瘞天詩哀深得無淚

王叔能尚書招遊虎丘歸而有作

闔閭藏空處白虎卧其立殉英劍已化金精猶上浮  
秦強事穿代鬼功協人謀剗腸裂青壁瀝髓發寒流  
樹色不知古蛟龍鬱鬱相繆蛇影入深窞鐵花繡吳鉤

供庖綆汲餘千人宜浣漱生公昔講經聚石、點頭  
至今盤石上法雲垂蔭庖寶坊何年建凌虛出飛樓  
北牖俯平楚西軒延席疇登臨小吳會萬象一目收  
常白題詩後物華厭彫毀何哉幽獨君盲然遺清謳  
茲山起原隰歸形如覆甌我疑星遊空墮地得長留  
不然駕海來六螯為載輶現成殿舟臺示以閨思脩  
客過闔門西看山幾回昨是節風日美招携有扁舟  
旋擢午影亭繫籬野陰稠行酒進熟啜飲闌歸興適  
詞客思如雲尚書氣驟秋吾衰落人後技瘡記斯遊  
謬誤尚可笑無穢焉能度

袁文清墓下作

十年清酒醉不到文清墓遠、許劍心夢寐傷遲暮



千里來東州九旬縻逆旅諒哉生勇求耿：復誰語  
空懷郭林宗不見王文度山風吹空林更絕重湖去  
草堂琳藏主得往年黃晉卿吳正傳張子長  
北山紀遊八首裝潢成卷要子繼作因追叙  
舊遊為次其韻增諸卷軸

禪堂生莫寒客至不成宿巖雲忽飛墜深燈出他屋  
仰見星斗高闌干轉空曲

靈源

半坡純浸山：空時見景老禪行道處水木餘凄冷  
文字豈其機無言坐移頃

草堂

高：三洞門中天開積翠陰火發晶熒坤珍挾奇闊  
仙靈鄙下來歸吾此焉遲

三洞

塵飛天宇空石破巖泉古萋花吹微香林端夜來雨

語客莫題詩山靈忌多取

鹿田

到寺取徑危穿林限沮洳井氣升為雲篔竹高於樹  
清風翼我興納屐下山去

寶峰

德人久歸泉何異舟藏壑僧廬出描翳搗搗亦頽落  
回望芙蓉城雜花春漠

潛岳

言尋磊：亭躡雲隨下上澗回泣微流山空谷遙響  
我已後斯人寥哉得真賞

山橋

餘春不可挽風花吹滿路向來一宿覺癩語知其處  
却望北山南城深晝多霧

寶石

九日試院諸友小集分韻得口字

今年秋意深閉門作重九輕拈糝菊杯強沃談經口  
森然奎壁光殘星暎珠斗文字入權衡在縣不在手



歌本亦當齊  
類聚此音委  
上音八感初

我豈能重輕銖兩差可否舉手謝西風此心如此酒  
出試院諸友小集湖中分韻得淡字  
棘圍坐踰月滯思入重坎今晨始超然放舟事遊覽  
前林卉木清後岸風日淡雲開兩峰出秀色手可攬  
嘉茲十二友夙昔共鉉繫操袂將語離漂萍易增感  
舉觴屢飲醇實釗還薦醴歡意方未闌夕陰浮暝慘  
吾人許子心初豈異肝膽所志續鸞膠毋徒嗜昌歎  
向風竊有云君當一笑頷

王繼學侍御將赴南臺僕自山中來城候餞  
辱惠近詩輒借韻叙別

龍劍久不試精金生銹澀豁工一磨瑩光射秋濤碧  
凡物要有真厚形非薄猶所以君子心知人恒不失

嗟予始從公深眷蒙引翼追惟三接晝何啻十朋益  
羈窮苦相累進寸退已尺徒將鹿豕遊企望鶴鸞集  
鄉部屬建臺登門恍如昔煌煌法星照影秦淮白  
蘭舟曉當發離恨馬能釋獨憐蓬藿深永與雲霄隔  
袞衣早歸來申歌、赤烏

題蘇長公書曹侍中與王者副論趙元昊事

古人善觀人其孚如眠龜後是數十年理事可逆推  
何嘗爽分寸自足制盈虧夏童音跳踉勢將撼邊垂  
生子膏不令貌求惟有幾虎欲既逐孤行亦綏  
于時曹侍中、山擁旌麾相逢輜軒使王駿貳三司  
謂言國若鼎宜安毋易危人才出試可邊患稔愆違  
消譽必思豫特吾有足支西樞本兵地舉綱振其維



逢當屬之子在子究所施駿雖踐樞筦夏強適斯時  
謀弱遂弗振斥去乃其直億言不幸中國豈終莫醫  
坡翁忠義人間之為愕貽寫真尺紙中示作垂世規  
流傳百年後引貫珠壘：清夜一發楮光晶射南箕  
我觀與衆異慨今誰致之自古泰治世守道在四夷  
濫觴起毫芒流未誠渺彌猗耶久不作國厭祚已移  
展卷懷所欽淒風振庭枝

十六夜望月蝕陰雨不見

三五秋正中既望月當蝕公庭修故事擬金控鳴鑼  
喧挈走兒穉發召徧平覲我時適未寢披衣步簷際  
飛雨洒面來空雲稍如幕天應愛厥妃恐懼遭掩抑  
仗此豐隆感爾彼妖臺力警諸教藏疾含攝惟汝德

西曜駕兩輪安行各通職奈何啖食凶須臾成毀壁  
見過雖有懲匿瑕乃無迹雨非黨墓者為天護精魄  
常情惜良夜良夜安足惜德刑與陰陽配對初不逆  
星晨繫天步磨螿浴歷：圓灑示無為蒼：垂正色  
稽首父母光千人萬人覲

讀漢史

博陸在漢庭受遺能效忠擁幼建皇極庶幾社稷功  
惜哉惜學術惰淫無有終不知閉家吉卒蹈覆餗凶  
白日麗天行過昃已非中雖微駭乘嫺固足戕其宗  
獨時休屠歸子任同識不同抑畏秉臣節不受通侯  
封謂臣外國人旅王若群工詎以旃毳習屈此禮義  
風薦進後其黨志冲言乃雍子孫祉報厚七世食勳



庸人才如百穀並收成歲豐立賢果有方湯治何由  
隆穿穴有攸隙累善至於宗漢法雖峻厲虞機繫其  
逢春秋貽典則朗鑒雙眸空廢書起歎息豈獨悲人  
窮

送張典史赴江寧

太微執法星下臨維石城：中治兩縣珠光聯玉繩  
仰承澄清軌順撫疲瘵氓地大故物衆姦端乃橫生  
爬梳方費日更復事將迎薄責亦詒病厚誣俄近刑  
况茲朱墨曹走趨候門屏聲折如不容尚憂違指令  
蓋夫銓鑑宗職在賢公卿南端操國秉招：有虞旌  
士以才自致筆云艱則自霜風不淒厲詎縱垂天錮  
盤錯別利器神鋒發新硎張君懷牒去佐縣得江寧

江寧簿書叢堆案來相仍敏手試料理即見訟結清  
仕道若歷級淹時觀序升祿食三十載未博一衫青  
遷扶雖左次考第當視成小住期月爾快陟天衢亨  
古人重難進每用謙治盈故能終器業挺然居盛名  
春華非不佳寒松有餘榮觴菊酌君別慎哉千里行

題姚文公草書杜詩

草書貴神雋不在加銛鋒端如孫吳兵善守亦善攻  
合正當勝算出奇思變通汎觀造化初足想構結工  
柳城文獻家與學自為宗遊藝踐張素希風盛成戎  
褰閣大雅堂倒瀉雲夢胸朝光出紙背百丈飄晴虹  
早勢已張突餘吹尤長雄山猿舞幽窟河伯開泉宮  
收采不一二怪珍溢其中昔公富清覽彈節匡廬峰



峰前羽章館敷坐紫烟重雪爾歸淨月蘸毫挹飛猗  
松風助揮洒能事不匆、却後三十年忽化無留蹤  
易名陪未議私竊百世公展卷三嗚呼企公其猶龍  
公之草法得于伯父左丞公  
而此卷作于廬山太平宮

宗忠簡公畫像為公外曾孫葉深道作

近古社稷臣生世常不數不能半五百繼見已超卓  
炎運昔中否兵氛纏大角掩旆薄日黃張孤北風惡  
起公滄陽節仗以障河朔懇、存趙忠憤極涕橫落  
扶義亟西征敵愾為小却佐興靈武功受任留宮鑰  
主辱臣則向國勢滋以削回鑿累十疏言諄聽殊藐  
一死不貸公百壬吁可作企公如列星宵光仰昭灼  
幾葉外曾孫傳世春秋學手圖起予觀言自崇勲閣

士雅雖則亡隨會尚堪作感國今更非雲飛天一握  
誰能挽江漢為公洗河洛

梁谿註贈盛高霞道士

梁谿一片月搖蕩綠蘿烟玉女採珠回駕龍耕璧田  
春去竹花實歲深芝草駢鳳皇招不下逢景惜留連  
却望白雲嶠明星正當天雲中青童君招麾使之前  
謂言寶訣書列在瑤臺編壺尤守扁鑰一閱三十年  
至今海嶽間光氣常蜿蜒茅龍亦解飛金匱豈徒堅  
引手探玄策得之可登仙首路向恒碣西窺臨嶽蓮  
天壇見日出皓鶴共編隨行攀飛狐塞回薄扶桑淵  
滄溟挹不滿石廩小如拳還尋屏風疊鼓柝陵中川  
調笑呼陸羽濯纓第二泉但聞丹劑成不見朱顏遷



顛露薦承液雄虹為采禮上下八景中宵然觀化先  
何必肩洪崖遂將儕儻佺寧能獨不死為我啟真筌  
大還容草創小劫度沉綿桂枝倘堪結遲贈遠遊篇

度馬嶺將適烏傷

輿轎陟層巔綫蹊若縣絕先登步兀踣後挽行益艱  
履危不數仞避險輒多盤三石立於獨累真若為安  
使非五丁力誰其鑿嶺屹松邊取一息影動浮雲端  
曜靈却在下身今揮飛翰冷風掖車興青露向空溥  
不知日馭側但覺天宇慳俯視萬廬落井幹溥微瀾  
青林綴坳坳新霜變未殷客塵將盡歛真境迺徐還  
究觀蓋壤內開闢有此山何年畫疆邑罔巖屬連環  
鳥道劣容跡人歎為通闡旅行負新策魚貫勤牽攀

十步九顛躑躅肩賴汗流丹彼誠謀口給老吾迫衰孱  
胡為事茲役荒遊起孤吟放情思脫兔引手招翔鸞  
復恐血肉軀容易墮捧官山靈若鑄我澗聲助抨彈  
寒哉不遠復脫粟有餘餐

過哭亡友傅景文墓

傅子於為詩其氣嘗逸發束之就聲律講條繫生鶻  
眉山正令申殺代機更活在藁數百篇一：無棟掖  
佔畢老於行妻孥窮至骨晚塗從祿養歲月已飄忽  
歸窆此丘樊宿土遼科沒嗟予負明義不得臨紉紉  
過車一慟已林風鳴憲：佳哉承宗子堂構方完兀  
封培繫有自神理固無拂因知鐘釜羸初不棄玉撮  
交情等肺腑悲喜兩相戛流為掛劍誼庶以開鬱塞



過錢清浦陽江由北入海

浦陽配三江猶以小絮大我家其始源洎流激湍  
劍茲直達海混百川會歸墟豈其豐出坎亦非殺  
羸縮摠一如真源自霧沛浮舟絕江津浪觸銀花碎  
朝曦如青蓮升光破烟靄歸雲回望長鴻飛渺天外

望會稽山

城東鑑湖道水光翻夕鷗雲破青蘿靡稽峰芝亭浮  
悠然動子瞻玉女開明眸固知穴可探却恐書難求  
蒲蓮浩如海微風挾輕舟前山與後嶺導從森幢旒  
誰張北斗旗漸進東瀛洲桂枝倚堪折哀白愧重游  
月夜下通明堰  
挽舟下通明初宵落潮後兩挺纒肩輶十夫齊奮肘

引重如舉虛欸過姚江口細水不生鱗月色金光走  
蟹窟在蘆根西風吹澤藪閑遙挹微涼衆黔子白首  
欲持浩歌往和鳴正隔雲呼長星勸汝一盃酒

過龍山不得留至車旣却乘小艇至門

矯首上龍山翠氣深盤松雲制扁鑰沙月轉灣溪  
沿沂二十里回播客扣閨山中宴坐人閱世如翔鷺  
十年不同夢笑迎癸清歡浣我塵土面對君冰雪顏  
吾生大自在眠食儘輕安為作十日留閒看飛鳥還

中秋看月有懷正宗

前庭竹榻間月露浩如瀉此景不可孤脫巾坐其下  
露氣挾清華月光穿隙罅明河耿在天動影西相射  
忽如龍洞中蒸雲雨初夏又如澄江路殘雪在林野



我時病少蘇久已謝杯棗移床著圓蒲小息容枕藉  
只愁太孤絕既不堪把觸屏僕已僵照壁燈將地  
絡緯鳴四簷細聲如合雅前身我不知豈亦饑吟者  
淒感離別切懷保社嗟吾風雨交會合何其寡  
有形即有患孰者非空假去年東海頭勞筋寄禪舍  
是節秋正中寒簷掃風榭正見金背臺水輪促高駕  
激灑煮松濤丁東響簷馬倒索無生忍談餘猶灸輶  
染指釜中邊如啖得牛炙再秋未濶疎為生故閒暇  
惟餘懷友情不與凡物化遙憑夢中夢寄訊撈伽夜  
朔遊卷中有句云成吾看山福豈不在老大  
此拙者早退之符也然青山獻秀白日延景  
雲與足飽寵辱無忘山中之樂殆不過是而

福則吾不知之也歲暮苦寒孤坐無慘用其  
句為韻賦十短章以自信先示戴生間或貽  
諸同志

漫郎豈不仕而多山水情中懷不遠復束身返農耕  
陳力嗟既老食功遂無成飲水讀吾書處困維心亨  
粵初賢科廢吾年類童烏承家有佔畢衿佩亦朋趨  
同時執業人十九為丘墟傲兀憂患中塊獨餘今吾  
本無青紫擅偶塵文石斑鶉梁濡其翼愧此頭上冠  
幸保清淨退苦節諧所安山吾耐久交隱几澹相看  
祥麟狩而獲僅與犬羊般所不如孤豚在檻猶在山  
應龍迺真智天飛薄玄間噓雲自為神施澤何嘗慳  
密袂縫我衣厚謹塗我屋食口相煎熬歲計幸中熟



兒童向我言，負智寧負腹。赫起近名客，滋後福。  
昔子輕世事，飲酒思樂豈。老衰負初心，顏髻日以改。  
酒能亂人性，強止中自悔。飲少固陶然，吾心寄千載。  
一玷混百筭，衆然子獨不是。意豈無傳正，聽非妄受。  
聖作不必云，聲自孟荀後。韓歐望百世，仰者若山斗。  
紫陽繼禹功，道可川至于海。吾鄉三夫子，派別原有在。  
斯文西曜張，義娥自相代。耿澗、朔、小明後死，吾敢忘。  
行藏常事耳，吾以易自考。係避與敦臨，何莫不由道。  
物理教中齊，年華客邊老。白髮對疎梅，持以相媚好。  
揆時不相先，掄材徒爾大。吾世屬多艱，學絕將無奈。  
逝者莫予追，未來寧真和。衛道固有人，

柳待制文集卷之二





初待制文集

第二冊

臺灣國家圖書館, NATIONAL CENTRAL LIBRARY, TAIWAN, R.O.C.





柳待制文集卷之三

古詩

七言

送馬伯庸御史出使河隴

河隴隴坻天西壁御史嚴行八十驛風驚大國幕初  
乾雪重穿廬寒未釋入關先見父老喜出節始通氓  
隸逆鯨鯢既戮海為清蛭蠃雖微尾含螫急宣  
聖德慰荒遐盡洗民瘼轉疲劇當今

至尊御疆宇坐朝法宮受圖籍暉：陽曜燭天垠殷  
殷春雷行地脉周公方宏治外規汲黯豈自居中責  
固謂真儒識遠瑣徑煩拂士迂朝蹟可能高戴觸邪  
冠不使橫飛征蜀撤君行萬里從此始人生百年俱



臺灣國家圖書館 NATIONAL CENTRAL LIBRARY, TAIWAN, R.O.C.



有從副藏待子馬遷書重贈慙余繞朝策歸與空腹  
貯崐嶠促此南風談禹畫

六月十五日大雨雹行是日月蝕

日月相闕鷄火中晡時欲息雲埋空雨脚初來雜鳴  
電雷驅電挾聲風：排簷倒檻揮霍入犀兵快馬難  
為雄中休頗意絕崩逆轉橫更覺加銛鋒亂拋荆玉  
拉飛鵲恣擲挑核隨飄風坐移向壁防碎首急卷巾  
席何自：上天號令豈輕出摧殘長養皆元功陰凝  
陽爍鬼神著氣有至反誠則同想茲試手鼓萬物特  
欲振攝昭辟蒙齋心變貌謹天戒嗚呼生意無終窮  
送王元叙赴穎州同知元叙以世澤入官始  
仕登州而其先人嘗為庶訪使者泐東有聲

至元間故與余議今別二十八年矣

泐河東開繡衣府正士持刑吁可數王公風裁獨近  
古面目冰寒嚴刺舉戎初冠首辟遊序隅坐時聯諸  
老語當塔蘭玉秀嫵：間亦從人說懷祖二十八年  
如過雨相見都門鬢生縷緹車再駕腰縣組猶困銓  
曹叢班簿學維有宗政有語限以門資豈其叙密法  
深文已如許貌取于何知子羽是州雖小隣陳汝適  
彼其郊云樂土暍：耒耜偏宜孫村：雞犬無行虎  
西湖山色誰爭所攬結何妨入搏俎登穎東西從外  
補要與老坡同一武攻詩琢詞毋太苦忠信宜民：  
自與使華持節紛旁午大忌孤高矜譽處道迎督郵  
首頓俯館具先須修葺蓋固有深藏稱善冒不則蛾



肩成姑女青雲易致無幽阻  
收拾聲華繼諸父天寒  
遠別衣當諸祝規有言君聽  
取我輩交情非謝補  
今初官與武階元叙再轉已  
撫文省有司以為不可乃已

送陳景仁都事使往雲南調選

往時文子初使滇吾詩疊  
當離絃上言黜陟百揆  
柄在爾筆削行微摧今君過別  
又繼往連裘涼葛仍  
三年廟謨制勝思服遠視  
彼裔土猶知靈大邦小  
邑實維繫立監置尉皆官聯  
生民百萬等休戚故擬  
未必非材賢高烟著令  
輟朝士執簡往試天官銓况  
君沉敏有注措雅頌自足  
資言宣度長絜大同應爾  
技十得五猶超然黃卓  
卓不並世器使往規其  
全當從謹俗詳方蒙勿以  
文議深拘牽和柔豈日由

地產獐房尚可因人遠方今

天子重法

祖憂軫最在西南邊  
布昭德意歌樂職  
王路恢廓行平  
朔風吹空淒以緊  
君馬既駕何須鞭  
瀘南瀘北經百驛  
到日想及歸鴻前  
玉節高持飛蜀雪  
錦囊滿貯傾蠻烟  
嗟予漸老守章句  
好遊亦有青行纏  
今朝執醖忽內熟  
長吟短詠還成篇  
胸中九域苦未  
廣借君尺紙圖山川

寒食日出訪客始見杏花歸而有賦

京華塵土春如夢  
寒食清明花事動  
偶賒佔軍數日  
閒似釋賴肩百金重  
今晨訪客出城東  
馬上風來亂吹  
擗穠挑靚李杏  
燕空山杏一梢紅  
聳浮暉隔樹



豈饒春麗色迎人太矜寵后皇賦命幾何偏早秀遲  
榮徒倥偬喬姿不並歲寒看殘香祇作籬根擁物情  
如此乃自嗤一官坐得三年冗烏騰兔走苦相催老  
矣鬢絲今種紫鳳情渠短褐穿白鷗負我歸心勇  
故園梨雪想繽紛月下樽誰獨捧涓滴長令醉顛  
逢何用百家營守冢寄聲為謝歌泥中補元吾猶完  
趾踵

敬題 皇姑魯國長公主所藏唐周昉畫金

德呈君真形圖

星辰上羅天文章帝宮太紫嚴中央長庚啟明左右  
當西極下揭斗口張滄空翕拖流金光雲霧降精神  
杳芒乘之無際運無旁中有顛氣隨飛揚潏然玉色

含微陽翠綃蒙袂雙瓊瑤手彈琵琶韻清商聲按  
節秋思長銀河經天浩湯波而望之河無梁往來  
險忽難為詳但見初月如懸橫洛書五行著襪祥始  
終德運推柔剛云此大白垂其方義虧言失多淫傷  
神無異體智有常我夢見之覺何惶披圖駭目得未  
嘗粉墨形似爭毫芒作者周昉傳自唐能品上題  
明昌 主家甲觀開畫堂瑤華承宇藉以芳升嚴潔  
漿祭于初靈衣被帝執翌神保至止辰維良駕言  
為織天孫裳吾聞五曜持乾綱龍騰虎擘互低昂星  
官執御調玄黃照燭九土窮八荒東西咸池直扶桑  
下貫天畢晶煌煌之晶降為瓊物不疵癘民不  
殃 千秋



萬歲國乃康

贈寫真張翁：居京城南年八十一神清眼  
碧蓋進於其技而無求于世以自足焉者也  
傳嚴審象形何形麒麟設色非丹青肖圖如以燭取  
影豈謂炬火無晶熒腰間挿箭氣自信類上加毛神  
則寧古人藝聖不兩至心動手應夫誰令不誇筆墨  
工點點欲與河嶽開英靈京華冠蓋萃山藪風髮萬  
騎雲千軒前行衛霍後褒鄂佩服憲：登明廷俗工  
寫似不寫韻却說果羸非螟蛉或攀有若擬玄聖僅  
類蠟帛摸蘭亭我雖憶見頗自可豈因賤耳疑群聰  
張翁八十自靜者城南巷居畫掩高客來拂絹出心  
鑑能事逸發無留停一毛一髮生意足造次參倚象

詩百全之序  
並書詩詞同  
連也

儀刑由其天機勝嗜慾愈覺眼焰如流星承明待詔  
綬者：晨朝掌米儕優伶徒誇世有青紫擅豈恨我  
屋無芳馨吾聞畫者多善幻倏忽變化開玄冥安知  
袖完意自定伸筆已似行春霆草間陋質不須寫二  
十八宿羅天經得閒携酒就翁飲傾倒沙頭雙玉瓶  
劉常州宅對菊醉歌

菊花高抹高一丈葩萼垂垂葉承掌攬先節物作重  
九亂點秋光入屏幌黃白：闢新品大系如繁小  
如仰或矜紅紫當獨秀詎識幽嫺無競爽天工似爾  
費雕刻人力可堪專灌養京華樂事全盛日隙地買  
裁隨意賞誇多直擬衛霍空豈顧家微百金享常州  
使君開畫堂簾網連榻出虛敞集芳作譜為娛賓賴



有筵前玉舟兩不知誰舸載傾城但道我屋無藏鐵  
過從數客問前茅出節何時試英蕩可能輕別負芳  
期遂使寒香淪宿莽孤根有託俟歲晚急景如流嗟  
運往我歌君飲君當酬明日霜河催去槩

出北城獨上秋屏閣望西山烟靄中漠無所  
見

北江負城沙似磧帖岸微行誰所關折旋殆類蟻沿  
封漫漶猶如鴻印迹風髮披：鞍兀：去馬浮曦正  
相逆入門平步得高層身與危闌爭幾尺緇袍年少  
不嗔來拂掠胡床趣教席鈎簾意擬見西山雲亦何  
心故蒙暮我疑玉女畏迎將且懼詞鋒恣彈射豹藏  
惜此管中斑黛點羞渠眉上碧不然洪崖仙者過霧

歸烟軒羅什百詎容左右觀昌丰抵許依微攬芳澤  
我時坐定深得之小大往來成一易青天白日豈當  
無好懷轉眼難尋繹祝融開面索新詩五老破顏愁  
惡劇我持一影行萬里自舟而來山有力摹華亭後  
九春則繫匏未了三年客正須慰藉管城公重此提  
携烟脫情

為蔣英仲作扇揮畫青山夜行圖歌

前山濕霧方濡：後山蒸雲如鬼驅松蹊行畫迫曛  
黑壁月正掛寒蟬蛩問翁蒼茫何所途投館莫有林  
間廬拈稍尚鳴風勢急隈岸欲渡溪流麓沃洲天姥  
雖峭絕無此原壑深盤紆固應豐城牛斗墟龍劍夜  
出乘飛符神人仗氣挾以俱虎豹旁躡雄牙徇世間



何物珊瑚株不可褻，詭矧可誣青峰之巔野。水碓獨  
往，似是仙者徒心融，意定不少假。收攬竒怪一筆摸，  
蔣君閒朝携過予。墨色照几暗光鋪，老顏未老為此  
圖。抑子歌罷三嗚呼，南州雙壁范與虞。君當請賦傾  
明珠。

出新城門至北沙下行視陶瓦

二年居城傷局促，腰脚未免成堅頑。西山迎馬若導  
從，隔江正面開雲鬢。想渠故要詩料理，况此已復秋  
闌珊。青林紅樹高下映，潦水卷盡霜痕斑。村墟雖小  
有雞犬，砂行十里到即還。覺宮改作土功起，穡事休  
來農務閒。直防若窳厲，陶瓦逐走犖。确勞鞍轡古云  
薄，物甘芥蒂持取盡。已方安，心為形役語冰是動。

龍寺傲芳工  
記獲人為畫

靜自我操其端，爰從憂患出苦力。偶竊祿食猶空食，  
西風輒贈好山水。起哉平生清靜觀，夢遊已了豫章  
郭。飽目尚欠匡廬山，胸中塵土要淘汰。微此得不謝  
天慳，吾人所賦實寒。我報既豈有青琅玕。

後未能淵歌為陳景常作用其韻

我齋誰名，哀斧有肅其趨。坐軒廡坐來歌，徹木龍  
淵卷雨輸雲出。江漸是淵無龍安，有木土石變魑非。  
若伍想當壑荒，刊翳初已辨。枯槎閱終古，剝形實藉  
水為銘。騰身尚恐雷憑怒，沙烟浪汨幾何秋。翁合蒼  
精配金虎，不然因會戮。防風殘骸搗骨相，支拄專車  
剝盡化。控揭羞向人前承，樂祖他生勿書來自獻。問  
爾非臯我非禹，直將夜思破漫。往和谷聲呼許。



人間用木作寓龍，致得陳寶祠中語。降神報既不在，  
真擗鬚迸鱗，吁可數。湫移偶爾閣汀洲，轉用遂與波。  
濤阻幸依硯席，聽吾伊免逐泉珠。疑宵豎是龍，是木  
不渠嗔。但覺噫氣吹還煦，物化為人。化物上天下  
回雲，作渚木龍招君。徑歸袖有淵神三尺雨，故饒  
龍文不成謳。未害木人能起舞，誰為斧鉞誰為裘。春  
秋傷麟禮傷鼠，還君置我一束芻。許可當年陳仲舉

題高彥敬尚書竹石圖

尚書胸中貯秋色，翠石蒼筠隨點筆。當其被酒氣初  
酣，芒角森。出矛戟，墨痕散作紙背光。虎卧龍騰俱  
有跡，伯夷去後凜清風。叔向生來古遺直，見之冠佩  
不敢燕。矧是圓壇方薦璧，房山西北弁山南。二老交

情嘗莫逆，陶泓毛穎始受呼。不寫穠芳寫寒碧，流傳  
此物成宅相。鈿軸縹囊新潢飾，老夫饒口近更滋。便  
欲歸山煮吾簣，詩成題作主林袖。未害西湖渠不識

雪後苦寒五

一冬愆陽積之久，陰氣乘凌如決驟。飛雪纔經窮臘  
交，祁寒浸逼新年後。宵眠輾轉成跼躬，晨興播洒愁  
龜手。群山藏疾巖骨峭，下瀨膠流溪腹厚。歌瘦竹  
豈堪支拄，僵株如恐仆。寧無魚鱉入淵潛，固有獸  
窮離墻走兩間。自爾埋翳曠萬物，于何逐牙紐衰年  
疲。茶動畏乾窮屋棲，遲甘老醜朝盤至。午得饕飮凍  
盈，經旬無漚滌。堆床取絮可能溫，弛擔拈樵聊足撫。  
咄茲恠見駭南翁，故我夢遊追北叟。天貯豈久拂常

冬言  
見莊子  
通言  
自是百內見四



經君子唯當堅素守既欣瘴癘掃氛祲將喜來年盈  
壘畝遲：陽德際明升杲：天光發豐蔀  
治朝有通容我拙日飲山堂無事酒

自勘居山所作詩題其後

世言作詩能致窮遂指此物為妖凶不知善藥不龜  
手時來或取通侯封我生屢涉憂患境所不偶世由  
天慵有言即吐非尚口譬若氣至鳴蜩豈何膏夢見  
古壘洗鬪鬪濯出清芙蓉嘲吟未免雜淒楚妾媚豈  
復能昌丰宦遊足跡半宇內顛毛雪白身龍鍾歸來  
十事九多忤顧有愁緒無歡悵尚餘結習在篇翰風  
雅遠矣吾何從蓬蒿環堵適自好乾坤萬象誰當供  
唯應未斷綺語業豈意更留鴻雪蹤一年葉卷盈一

東論石猶堪幾麓容夜郎東屯西醉叟流落西望千  
山重胸中繡線雖未縲不得帝袞親彌縫蘇梅黃陳  
後起者世豈不淑乖其造九州四海莫予騁一生坐  
受饑寒攻吐予六：牛馬走仰視遷回其猶龍賤生  
無用此語實何况竊發言非雍榮華豈是拙者事圖  
畫將為後世宗自歌自号自拊几和予付興風號  
冬

三月十日觀南安趙使君所藏書畫古器物

三月浹旬新雨餘市河一舸如浮苴言尋佳客趙橫  
浦步入城隅門巷紆褰簾迎揖坐便坐深炷爐熏呼  
茗盃硯屏方截紫綺段楚瑤秀列珊瑚珠是家素號  
虹月舫載畫盈麓書盈車客逢好事要審鑑便肯解



楮傾囊儲相看貴德亦貴物古玉錯落排筵敷鹿盧  
帶鉤環珮玦鞞鞞昔將承屬鑲佩章六組四官印篆  
畫刻深銅臂麗配之衝牙奉君子貫以繫璣聯金魚  
連錢驅馬琢文玉圍人側立垂裙裾神工定復矧削  
刷赤刀故想來銀錢次陳鼎器論製作商周秦漢焉  
可誣玄武實水貞實醴腹背翠錯提梁朱最奇劍掣  
尺有咫綠玉龜鱗純體膚精銅歲久剛性在開閱燥  
濕其無渝銓量畫品差甲乙錦標玉軸隨伸舒庭光  
古佛出梵相滿月在水蓮生跌盧前吳後筆鋒勁履  
蹄承烟玄化俱瑤池仙會上中卷細巧自是吳元瑜  
雲霞接觀遠隱見花竹羽毛工染濡絳旌飄轉紫簫  
發步輦導從千瓊妹終篇八駿惜既闕詩亡可補此

置諸意夫鬼物揜疵吝免彼毫荒留歎吁徐熙葩葉  
妙設色塵昏蠹蝕猶鮮腴古緇一段寫秋意芙蓉鷗  
鶻連茭蘆夢載鷗夷薄浩耿此興初不緣尊臚七客  
張萱為誰作濃墨大筆色不枯五人、跨一善馬一  
跨烏捷一蹇驢印窠慘澹悅生字豈曾籍入官中帑  
穰、畫苑姑撥棄伸眉更請評法書二王真跡胡可  
得硬黃數幅真唐摹蘭亭五字捐不捐肥本瘦本斑  
斑殊如人身口耳目具神采乃在頰上鬚虎背拳擗  
雖甚似優孟抵掌何其疎世間楮墨日弊、欲駕跛  
鰲行天衢南唐常侍六書學凌轢斯邈開捧燕雜詩  
流麗滿一卷銅角篆法無能踰金繩鐵紐莽回互山  
蚪海屋阜騰驅嗟予欲請屢拊口形求意索且須史



泰山繼起石鼓後李監提出張先弧向微二徐為啟  
蒼此道湮滅誰昭蘇真書生行，生草飛白稿隸同  
一樞張顛草聖入三昧小楷妙合禘與虞即官石記  
毀已久百金可有墨本無世之珍物豈待贊題識况  
復經鮮于綺園角夏四神生刻字寸許無葩莖永平  
元舅紀功頌燕燕何在搨墨烏屋鐫野刻百數種傳  
觀一二日已晒餘散未盡謀再至搨人催發吾歸款  
暮投蕭寺微雨作昏燈始影溜鳴渠真懷且復領其  
要回向灼觀心地初百年遙累大宇宙蕩搖不啻風  
中襖寓意于物形勿著尤物亦能為我姪滯形小足  
致偷奪大或控胸傷口珠牛李相傾坐石禩王涯復  
壁嘻其愚吾徒適目取一快彼豪巧者方睚眦喘子

嗜古與君並見獵時悲思身竭矢詩紀載實觀縷若  
遇匠手當刊除同觀六士梁越產王揭三子甘陳子  
交游聚散等萍絮春風渺吹江湖微詩如見所見  
者後有畫者傳之圖

中秋夜半起看月感題長句調靜遠子安二  
友山長

青天明月不可呼何況有酒無江鱸寒燈顧影嘆離  
索如此良夕烏能孤三年家居三見月此獨不見為  
躊躇亭回虛館漏聲急碧霄瑩淨闕冰壺仰看圓魄  
掛屋角俯見流光穿座隅整衣起舞青桂下白露泣  
寒生膚他宵得酒有明月山栖未免思江湖闔闔  
城東庠舍靜庭列柳榆三四株暗蛩振股和鳴杆栖



鵲翻樹如驚弧素娥似為我幽獨故出光景相嬉娛  
不然顧菟養靈魄何以拭淚縣方諸百年心賞半塵  
土豈獨負丞兼負予好懷都付橙蟹月淡味寧忘托  
菊厨陰晴聚散胡可擬雲翻雨覆無須更清琴在手  
不成弄且復題詩訊大巫

寄題惠山華氏溪山勝槩亭

山如尊自豁如搗洗刷秋光出深秀市塵飛不到亭  
臯翠幌朱簾閒白晝主人宴坐與天游收拾至樂歸  
之酒綠管情大雅蓮菴蘭泥離騷圃以心觀心  
乃如此更為豁山發神腴水榭寒閣尋丈間物華捷  
出雕鏤石客來問石忘言客去留雲為守惠山  
中第二泉水品古今誇滿口井幹餘泣溢為瀾落

毳飄來鳥驚救高人但取一賞足擇勝誰能占幽茂  
兩腋清風起振衣百年陳迹供回首寄聲鷗鷺莫相  
疑還我靈龜養耆壽

題趙敬叔所藏龍眠飛騎習射圖

元豐盛際臻重熙駕幸寶津方戒期材官騎射逸精  
銳人備馬駿由天姿雕弓引發赤羽箭絳綃繫在青  
楊枝班中驩言斫擊射好手莫是六州兒拖毬飛硯  
最鮮也十中三四纔稱奇人如明星馬如電日色眩  
轉交龍旂彤庭膏馬賜金帛周廬艷日生晶輝激揚  
材武振士氣正藉廟略能匡時集英排仗候廷試軍  
景未休宮漏遲南宮仙伯預宣押應奉殿門因縱窺  
天上寶圖惟我見宮中秘戲少人知白筆追摹得神



駿五采不復矚彰施雌堂清詵要有屬太丞內署知  
為誰慶元逆數到元祐畫江自固運已移紫陽語繫  
錫山後法雲舊業重稱提題詩叔簡定王氏入官延  
閣方然慕嘉定章公也執法二年已已升中司兩公  
出語各臻妙驪珠滿橐光離承平兵制悅在曠燕  
安鳩毒終難醫趙侯鈞致自歐粵啟襲傳玩晴虹披  
玉山汪氏所珍蓄再落人手乃得之霜蹄十六脫其  
半騎者臆語如指麾由來得意忘彼象若也補止非  
是詩何況龍眠記畫意字透紙沙畫雖天球河圖  
帳莫覲寶玉大弓欣有歸材如趙侯當用世縱馳已  
並驚駭馳移人果豈在尤物但視無逸為元龜

與用章戴生同渡淡竹嶺夜宿山家

一溪屢涉溪流淺廿里窮源臨絕巘雲間仄徑細如  
縈霜後枯蔓齋若剪沙崩石爛阻危攀磴斷崖懸還  
斗轉已驚汗袂泣餘滋更擬班荆息微喘未昏斜照  
白波淪直下遙空青霧卷粵初川嶽各流形自是陰  
陽始昭辨誰開壑谷通片榮重為封圻制鉤鍵神工  
使解鐘崔嵬世路何庸增連塞舍車未免役孱軀指  
策聊將收勝踐粉榆連蔭壯且衰媿友閨情行孰遣  
吾生已付一浮漚此足寧堪幾重趺莫投山館睡齣  
雨撼窓扉燈暝寒難呼夢報詩成曠懷直為朋知展

戴酒堂詩并序

蘭溪州同知州事彭侯震御為南寧軍判官日嘗訪  
得蘇文忠公戴酒堂遺址築室肖像即修祠事朝野



名勝往：形之賦詠予知侯有懷賢尚德之心則夫  
宜人之政是不一書而已作戴酒堂詩詞曰  
東坡先生如龍鸞世人疑其欲飛蟠九州四海不容  
足攝身徑去窺髦鬢南荒萬里僊耳國帝遣海若開  
竒觀潛淵挾得睡驪目思山夢見峨嵋鸞颺風惡浪  
吁可駭土芋脫粟纔供餐黎家兄弟好事者小酒初  
熟生微濶水童迎路吹葱葉門東刺竹西牛闌扶携  
歸去常半醉流落生存重一歡四黎善：君子類若  
比張蔡猶蕭蘭天乎木鐸何望爾蠅之附驥渠非難  
誰尋雪迹到鴻爪正用載酒擗壹顏百年文獻隨草  
莽庭階蕪沒井且胥風流別駕彭夫子未自進賢頭  
上冠是心尚德甚饑渴挈取舊物還祠官書銘小摘

枕柳綠為俎時羞荔子丹海邦夷俗雜蛙龜茲事信  
為風化端音聲固有合琴瑟嗜好果豈殊醎酸竭來  
蘭陰語吾故緇衣三詠三長歎吐哉愷悌神所勞雲  
路矯首看扶搏

雷琴行為薩仲明賦

中有銘云天寶二年雷威造

美琴論德兼論管如玉函和中鎮粟蛇形鍊骨龍體  
成九轉丹功在聚漆唐人妙斲插雷威桐材計尋天  
子之當時重購已莫致到此狂奴知由誰七百年中  
幾桑海大物尚隨人代改庶：方理似鮫文鬼蓄神  
絨端有在薩君昔遊治城東傾倒囊褚携松風道道  
陸子驚再拜世乃有此雲和宗雲和收聲吁已久滿  
耳滌吐聽欲嘔此鼓馨非因衰武亡絃歌實自猗那首



孰器求道，乃全聲形精感人其天薦之廟如鳳當  
下盛際追還天宵前

寄題陳子敬錄判澹古齋

光克論書稱澹古誰其采之君子所想應整口厭芳  
辛且憚取妍趨媚無治心養氣豈無端致一凝神要  
有緒雖微尚實載升牲劣可堂筵容布武開卷明  
揖聖賢弄琴昵羞兒女是中趨尚乃大佳俗下愛  
憎難遽教玄酒猶堪饗廟郊疏布何嘗愧文辭一溪  
晴綠看揉藍二頃圭田催釀黍天機誰者得之深為  
問人間養生主

題高尚書藤紙畫雲林烟嶂圖

髯翁肯飲西湖綠滿意青山不足醉拈官紙寫秋

光刻截五州雲一幅吾間妙畫能通仙此紙度可支  
千年祗愁蓬萊失左股六翮戴之飛上天

題陳子仁屏間新作長松疊嶂

陳子胸中有奇句墨瀟如雲時一吐不知毫穎挾何  
神頃刻移山起烟霧紙屏演飾素先接眼明見此青  
霞標塵埃兩隄我願厚為子三賦淮南招

介福堂詩為張繁昌作繁昌之祖藍山先生

為紫陽之學鄉人築室奉祠列之學官繁昌

名純仁

藍山張氏家有堂素屏撲几六尺床堂中壽母八十  
強鬢髮未變雙瞳光有子朱紱垂銀章有孫經明貢  
于鄉彬、濟發文字祥彌甥亦已第奉常歲時拜慶



儼趨滄脯胎薦豆醴實賜龐眉一笑回春陽樹萱在  
背英煌：和氣充羽天降康繡紋新添峇景長是家  
撫蒙連墨莊往：刈熟盈囷倉乃翁談經臨象璜青  
衿弟子如雁行上窺雲谷閑微茫著書充麓名山藏  
精廬百世饗蒸嘗祖孫播穫歲乃穰此道付與今繁  
昌政學優：問彌彰裁之培之至教芳本深末茂理  
則當毋昔寡居稱未亡肆今五鼎食有鮐介福堂成  
貯練綉大篆題榜御雲驤賓客上堂聲必揚有來觀  
樂歌決：天津之女工織裏言將為母製錦裳他時  
花詰鳳銜將併與繅藉充承筵蟠挑種在瑤池旁碧  
實疊：秋露香仙人昇以却老方執鬯起酌天瓢漿  
金華小兒牧群羊疇昔授道張子房作詩寄壽言荒

荒母當啟箴分玄霜

觀宣撫資政鄭公追復元官誥詞題其後  
鄭公進仕由咸陽材則有為時則否主和正爾持死  
力感國寧甘陷戎魄廟堂手挾震主威壯夫奪氣閨  
其口銓封朝上夕投荒公揀止之言弗售自茲違弼  
意稍乘未必畜犬真堪嗾長孺居中誠少驚捫如使  
蜀非徒厚屯耕雖則致羸羨反使囑言推罪首江州  
獄具徙封州妻子流離窮見肘朋淫乃更滋瘴癘已  
鑑不嫌織壽耆台星中坼山亦頽國不負秦：自負  
明年手詔收摧綢追復流人洗瑕垢從官恩典視生  
存還畀其家猶固有悔心一發本諸誠訓語明：知  
所受誥綾六尺載書詞印窠滿幅紫蟲紐東序河圖



漢末虛侯為  
呂后歌浮辨  
瓶煙散香計

曷足多繼世子孫當寶守天生忠賢豈無意毀譽方  
來在身後秦願鄭善古有云易擬深耕視終畝國非  
其國六十年摧以春秋夫豈苟捨如狗彘人不食公  
如龍麟駉帝右矢詩追擊辨嘉篇太史賤臣牛馬走  
草堂比丘尚賢為報母故刺指出血煎煉如  
法命其弟子如琬以小指書妙法蓮花經一  
部七卷匱而藏之搃勝閣上予嘗閱是經隨  
喜說偈昔紹興中有僧寶元刺血寫金光明  
經全部施是山今尚在焉

我觀衆人與我身通體氣血常充滿云何觸抹生痛  
楚閨節脉理元相管四支百骸皆有血流行膚革初  
無溢以鍼刺指即得之歷丹濡供清筆注華妙經

佛所說經凡幾字：幾畫蠅頭細字滿夾書天龍夜  
叉承指役血出尚賢書出琬是師弟子本同性龍華  
會上昔相從信心一發起圓證縣知是血母所生為  
報母恩弘法忍一鍼一滴聚成句書經有盡血無盡  
願茲寶印金色光載母上生游極樂妙莊嚴域常現  
前是經在處獲尊閣今生賢琬兩比丘前身寶元無  
乃是五色雲臺舍利幢藏海蓮花相對起我嘗奉佛  
樂我淨與閻種：珠勝事一朝拾得玉髻珠五十小  
劫皆實際昔人持經向空裏雨尚不能至其處况夫  
性血之所書無量諸佛垂善喻大雲所覆甘露濡四  
海九州同稽首我今隨喜為述偈子墨客卿當諦受  
黃晉御提舉授官初歸子偕敬叔輕行訪之



假榻湖邊滿心僧院明日病作敬叔先還予  
留就醫藥數日乃歸予少時嘗聽琴此院今  
四十年矣

湖濱僧齋聽琴筑閒四十年來不速秀眉一袖今雪  
顛迎門坐憲煮茶熟自敲竹檻喚童歸更拂藜床延  
客宿客方病起氣如絲夜枕歎眠屢驚觸晨興體惡  
頭岑三日忘食不思粥歸者先歸留者留賴是吾  
生耐幽獨疲最猶資藥餌扶過存厚謝親朋辱陰陽  
致寇孰乘之小待神完理當復行藏一迹大累人畏  
影偏教影相逐莫途久真折腰具高誼能忘軟脚局  
湖山款惜重違雨色雲容看未足寧能將此不背  
身坐耗齋厨西囊采鶴背西風去意輕命僕肩輿催

結束

題錢選畫仙居圖

仙人羽駕青雲輿遊戲八極陵空虛神山縹緲在何  
許意所到處皆方壺畫師豈嘗與之接夢時識取醒  
時摹聯棟紫房縣薛荔交柯碧樹排珊瑚琴書整暇  
蓮几靜左右絳氣橫扶疎武陵溪西仇池路人迹往  
往通樵漁仙凡一膜初不隔悟迷異趣何其殊奔輪  
駭轍世多有逐臭未免如蛆吳興老錢招隱曲駕  
言設色調方諸披圖三輔歸來手盍亦視此招搖車

過閭行

二漳合下如奔矢絕出為河容匯水南橋北控越埭  
來後挽前抽爭一跬慙遷物品賈



王畿嶽首方輸千百象商切已覺十分贏超利真成  
三倍市  
聖人乘運智者謀尚憶當年河事始向非廟筭屈群  
策安得再航若平履天開地闢幾何年禹迹茫大  
疆埋母將本幹彘強弱所務有無通遠邇日高捷開  
放三版津人絕器舟銜尾河渠使者水衡丞走馬西  
來呼起

松雪老人臨王晉卿煙江疊嶂圖歌

君不見帝堦王家寶繪堂山川發墨開鴻荒重江疊  
嶂詩作畫東坡留題雲錦光又不見後身松雪齋中  
吳仲昏臨摹筆鋒走樓臺縹緲出林坳蘆蒿蕭騷藏  
澤數白雲飛不盡青宣百丈牽江入樊口墨花照几

九  
之  
長  
詞  
馬  
寄

射我眸我為寧芳歌遠遊胸中是物有元氣世上何  
所無滄洲我疑此叟猶未化瞬息御氣行九州五山  
四溟一觴豆瑣細弗遺囊指收故能援毫發天藻不  
與俗工爭醜好楚山雪歸楚水流萬里秋光如電掃  
拈來闋董散花禪別出曹劉斷輪巧披圖我作如是  
觀毛穎陶泓共間道嗚呼相馬亦相人駕駘豈得同  
翔麟舍夫毛骨論形似如此鑿膏焉能真後來有問  
延祐脚意索舉似吾方歎

送蕭從道還蜀歌并序

蕭侯從道自京還蜀艤舟廣陵薄遊吳會解后一見  
如故交焉蓋侯以遼東肯族累世將家早從征伐藝  
勇有聲龍衣父爵為萬戶鎮保寧泰定末上屯耕便宜



京師會闕外稱兵侯受

詔前行寧旗斬將功最一時止幾雲南大理亦憑險  
擾遑廷議遣使持節分道督戰侯與在行獨由烏蒙  
深入巢穴折其鋒銳凶渠授首逆類悉平幕府上其  
平南之績吏持做法賞典未下侯載家徑歸朝廷制  
爵祿以馭臣顧于侯係吝若是邪侯方將覽觀山川  
形勝以擴發胸中之耿然自此泝江入蜀魏吳戰  
爭之故墟遺壘在、而在平古興懷可以慨然而賦  
矣因貫酒酌佳申歌以送之

天曆之元邊釁起反丘攻闕如突豕宴安鳩毒五十  
年霸上棘門徒戲耳相臣隻手扶乾綱虞淵取日宣  
重光雷行固已觀用壯龍戰不必疑、無陽蕭侯蜀帥

方入奏受鉞前驅渠敵後鼓行三闕氣既倍往、短  
兵能獲醜倖組纜來輿道旁奔鯨復震潼川石樞庭  
論將豈無人懦夫上馬遠遠巡念非蕭侯材勇者詎  
足潛消蜂蟻屯傳聲六詔將深入已覺空崖鐵騎陳  
仁義之師若時雨大猶獲禽非我所坐令萬里哀牢  
夷回謝天威逃鑽奔捷書徑上清暑宮節制重開紫  
微府論功亦或陷深文霸陵開殺故將軍京華再見  
梅花發春色遠從錦水分相造千古吳臺下壯士寧  
為時所捨載愁萬斛壓歸舟、經灩澦高于馬江水  
萬派從天來江花錦帆相映開長歌擊劍歌莫哀隨  
世功名何有哉

韓魏國忠獻王七世孫植甫家觀王蟬冕畫



像

文奎瑞宋三百年英雲五彩章賦篇出藩入從國東  
重勢如九鼎安堂筵西從小醜國干犯北門三軍常  
晏服誰為社稷存立計藉此粉墨開凌烟崎嶇南徙  
今異代故廬傳觀玉色鮮使時殷畜猶弗啖安用蜀  
業圖其偏神人玩世未嘗死剛風乘之游九天李君  
執御我問世更恨凡骨何能仙

歸度太陽嶺

北南二嶺中我居出入徑塞險且迂方州縣治能非  
往：則盤辟徒舍重金華技引巖岫戲丹霞翠霧交  
吸噓人影翔天雲在下溪流宛委旁行書浮嵐閣道  
通兩履落日掛樹明三珠是節秋高氣初肅喘息微

元亨考三  
本館印

汗衣成濡崖間野菊雜瑣細黃艷迎人偏靜姝連峰  
轉想畫為假怪石特疑神所刻居庸桑乾盡天北我  
嘗騎乘涉其阻彼誠崖絕猶戴轍此更礪何難容跼  
尻輿神馬意所適四海八荒同一驅吐哉屈子遠遊  
躅撰轡欲繫扶桑株

天台張節婦吟

天台山中百本桑枝葉泣露晞春陽女婦採桑葉肥  
厚飼蚕作繭盛滿筐盈手綠絲：萬緒不將織紵為  
練綉綉綉縫衣破誰補凍絃絕瑟聲淒楚瑟聲淒楚  
還自悲婦昔紅顏畫眉嫵羅襦未綻變直衰髮姑在  
養兒在乳家貧百需叢一身惡筭我是未亡人續燈  
明分夜寔請攜膳厚具高堂珍巢倘雛弱風復雨扶



宗一節四十春婦為壽母兒亦壯白髮含飴坐堂上  
荒烟喬木幾家存况復有人脩為堯天情忠貞嘗獨  
厚世微表厲吾安放詩書流澤稱清門婦家有子且  
有孫過車入里見憑軾飲其德者如衛搏台山峩  
水深：明月下照秋無陰綠聲按節指可尋一彈  
為節婦吟雅頌自足開人心世延有此瑤華音

題瀛州仙會圖

巨鯨驪首戴三山海波不驚坤軸安方壺員嶠彼何  
境靈氣布護非人間金銀觀闕勢如翮檣林珠樹垂  
珊：擗題竦擢明河畔閻道橫截浮雲端仙人來往  
羽衛備或駕紫鳳駢青鸞霓裳法曲舞初破執樂瓊  
姬神彩閒時容下界攬鄴澤却對蓮峰愁髻髮茅龍

飛去杳無迹烏駝兔走雙跳丸蓬萊舟近風引却三  
歎靈蹤難重攀是誰摸寫托前夢欲用鐫鑿區中頑  
神仙固多狡獪事世儒論者存不刪賈生賦鵬詒夫  
道後有達者當大觀忽然為人化異物斯理幾何堪  
控搏仇池洞天通小有神清玉宇標孱弱彼皆因竟  
示生悟直啟真源涌垢癥嗟予臂薄迫世隘輕舉便  
擬凌飛翰披圖恠恍縱玄覽託采浮游窺九閩無窮  
八極異一過迤道遂與松喬班登年閱世妄自致何  
必辛苦成金丹

題臨本捕魚圖

斬批聯鱸縛為冊中流起罾如舉纂取魚計獲有且  
多撥刺銀刀長數尺船頭五兩受風偏雙槳乘之轉



山急夜涼星斗滿川垂烟銷鮫鱗騰空擲江鱗穿柳  
趁朝虛白粲裝囊供日食人生漁樂可知雲月為  
家天一席翁歌媿醉兒嘯呼有酒盈甌無事後前林  
楓擁疎欲凋後岸菱蘆寒可別泝淮入汴昔所經野  
步荒郊曾日歷抵疑鞞口舊山川猶是高人畫時迹  
世言圖畫能象物風土班：證今昔乾元去亂幾何  
年右輔分畿無數驛吹漁樂業乃如此休養真堪遂  
生息臨摹甚似誰所為大筆中藏十鈞力君不見舟  
車入算折毫厘漢皇經國未畢雖云山澤有屬禁  
魚麗以後非無詩

題龍眠釋迦出山像

明星在天斜漢落佛道靈明魔道弱修行已證等覺

位不顧身形瘦如削華綬垂袒雲半肩步出山來赤  
雙脚文殊佻眉普賢笑滿谷天風韻天樂青蓮貼  
印虛空白象耽：係羈絡自茲應物如洪鈞五陰五  
濁皆清廓龍眠昔是會中人以心應手親描摸鐵煤  
判穎發其神聖鼻鈞輪無此斷流傳什伯甲子餘玉  
采珠光破冥冥鄢江古寺秋日暉洗滌翳睛炯發蒼  
稽首調御天人師優鉢曇華開一萼

善王獻寶圖

皇天饗德親至仁四夷慕義悉來臣押奚西蕃稱使  
者稽首自請輸庭珍採航琛書慚後至象犀珠目充  
前陳髦鬻何由舍愛吝聖化如天能服馴仁柔義懷  
乃至是聲驅威愜非其真君不見周公居中秉周禮



王會書成白環至按圖索驥豈不然貞觀興唐有畫傳

題王宰所藏墨龍

飛魚為御豐隆車憑陵九淵俯尾闕誰與發墨啟玄  
奧神光躡斗旋其樞湖邊竹屋清夜徂防有没人來  
摘珠

商學士畫雲壑招提歌有序

諸生淵魯不花膏從其父官洛下強學好修得於山  
水之助者也集賢侍讀學士商公見而器之為畫雲  
壑招提以贈乞予作歌公此圖意韻閑遠生能求之  
筆墨之外將不由是而有發乎  
高為巔峰下為壑群木慘：風欲作浮紅動翠何評

似別崦殘雲明佛閣眼中疑此洛南山只尺便到龍  
門灣暗潮已落洲渚出新月未上漁樵還商侯胸有  
群玉府借酒時：一軒露延春閣下墨淋漓餘情亦  
及滄洲趣好山好水如高人豈直貌敬將心親平生  
幾夢奉先寺不知猿鳥猶相喚君不見飲酒吟詩狂  
太白曾是匡山讀書客泥塗天脚走幢：歲晚看雲  
情脉：生今益壯業益修未可造次思巖幽披圖清  
墨歌遠遊我無拒玄寒具油

僧傳古跡霧出波龍圖歌

葉公好能致真龍指氣所感無不通僧中劉累有傳  
古夜夢授入驪龍宮陽暉燭：陰魄動左右給事皆  
魚蟲探珠不得逢彼怒轟然鼓鬣興雷風潛窺竊識



領其妙寫之萬措將無同日晴教月纒一點波浪只  
尺如層空乘雲執鏡麾電母跨海獻寶招河宗劉嘗  
善秦古善畫得意忘象乃工為龍為畫了不識有  
頃噴水投長虹龍乎龍乎德正中起忽變化天為功  
絳宮帝子秉節從九淵喚起赤鯉公永真鰲極開鴻  
濛

柳待制文集卷之三

柳待制文集卷之四

律詩

五言

同楊仲禮和袁集賢上都詩十首

出塞行瞻日趨朝喜近天離宮開苑園馳道絕風烟  
瑤水巡非遠峒山曆更諒甘泉多法從獻賦憶當年  
雨水漸衣黑雲沙際日黃烟開纔黯條日出已蒼涼  
徇俗高簷帽清心小篆香端居萬里念蕙草惜微芳  
昔建寰中葉初開徼外山雉城平兀沙水淨灣  
朱夏宸游正清秋武衛閒叨陪文學乘空愧髻毛斑  
謠俗隨方異溝塗隔舍迷醺人唯馬湏勸客有駝蹄  
殿角孤花靚城隅雜樹低天涯中夜舞如意昔曾携



領其妙寫之萬措將無同日晴教月纒一點波浪只  
尺如層空乘雲執鏡麾電母跨海獻寶招河宗劉嘗  
善秦古善畫得意忘象乃工為龍為畫了不識有  
頃噴水投長虹龍乎龍乎德正中起忽變化天為功  
絳宮帝子秉節從九淵喚起赤鯉公永真鰲極開鴻  
濛

柳待制文集卷之三

柳待制文集卷之四

律詩

五言

同楊仲禮和袁集賢上都詩十首

出塞行瞻日趨朝喜近天離宮開苑園馳道絕風烟  
瑤水巡非遠峒山曆更諒甘泉多法從獻賦憶當年  
雨水漸衣黑雲沙際日黃烟開纔黯條日出已蒼涼  
徇俗高簷帽清心小篆香端居萬里念蕙草惜微芳  
昔建寰中葉初開徼外山雉城平元沙水淨灣  
朱夏宸游正清秋武衛閒叨陪文學乘空愧髻毛斑  
謠俗隨方異溝塗隔舍迷醺人唯馬湏勸客有駝蹄  
殿角孤花靚城隅雜樹低天涯中夜舞如意昔曾携



天潢猶白雲幕故青。猗濠推車軸高風墮箭翎  
宮塗丹赭聖殿戶紫金釘女樂蓬萊秋哀蕭動杳冥  
惺殿層雲障轅門積雪峰奇鷹皆戴角御馬盡飛龍  
瀚海將臨辛雲亭望陟封青丘大羽獵有事待玄冬  
曹務唯章句官規自法程齋扉侵雨潤宴几得風清  
歷三刀夢行萬里城明年遂耕隱深仗酒為名  
經游還絕塞際遇復清朝大暑無蒙給輕寒已御貂  
盤空蠶屨薦觴至酒頻澆貧病詩為客何慚帶減腰  
公子青絲轡王孫綠憶車宴酣風小定舞破日西斜  
手擲宮中菓神行海上查築郛毋自厚儉德不期奢  
水草方善弓弧戶便合圍連婦女從戎到曾玄  
雪耗千家帳冰瓢百眼泉後控山更北長望斗光懸

送李文晦僉事易節燕南十首

北候催乘傳東人挽去轅不觀滄海小安識太行尊  
好爵隨年進初心與道存老儒當劇部煩護國西門  
儒有操存固才須體用該律文徵法具心學左圖開  
更借皇華使重光肅政臺折津占分野星動斗閭魁  
邦圻全趙際詩教古周南蕩節衰文王輶車脩左駮  
靜宜觀物變清左飲泉甘河思頻年息民康化易壘  
鷗鷺三秋擊騏驎萬里行官聯漢直指經術魯諸生  
世或深求法公惟不近名天心與民監上下一昭明  
後起或持橐同升已秉鈞三遷分節鉞萬化待彌綸  
自是區中寶宜為席上珍平津若闕閣未必舍斯人  
治獄多陰德傳家有寧馨一夔當奏樂三鳳見儀庭



吾實存原濟誰方忌獨醒之官趨便道回首鵲湖亭

娶括山區外台明海嶼中為生民少魯食力歲宜豐

謠俗方：問禱惟處、通焉恭人自化無欲是深功

歷下名泉眾江南芳草多悠：增越思往：振燕歌

潯水冰猶壯壇山石未訛北還今易節回雁帶春和

替皇壇山有周穆王吉日癸巳四大字

王子朱然直徐公玉尺方得君同議讞厥類重從陽

上智能旌淑常情失吐剛法家制誅膏端合用其良

徐周臣為使王在中為僉事

走昔登儒館公時列省曹過遼常不數淡泊適相遭

入里能忘賤游庠辱譽髦臨分勤祝鯁何止戀綵袍

鄉友胡古愚久遊京師賦詩念歸憺然起予

因之同作次韻二首

東府銓衡外西雅雅頌邊青雲誰為賦白日但催年

固欲翔千仞寧能闖九天淹留亦何遂未了北征篇

勞歌非異曲羸服有同袍客路添重趼童年憶兩髦

曉星田漏正春水釣舡高為寄吳江亭將懸蜀市遨

天師留國公挽詞二首

龍美神明曾游玄造化徒萬靈觀受印九斗直飛符

御氣今安往迎年故豈誣唯餘室中鹿豕光景見懸珠

齋祠承畫法湯沐啟仙御觀物將齊化成真已坐忘

空瞻朱鳥影不見碧雞祥天上飛廉館還應從

武皇

大司徒饒國公吳公挽詞二首



周世群支合秦封故邑閭者英今幾葉爵秩比三台  
正倚椿年永何知薤露哀海山雲縹緲真行樂天來  
綠玉扶衰杖黃封介壽卮高天流寵錫晚日被光熙  
菊秀何妨澹松貞竟亦萎唯應韓擇木不媿歙州碑  
送忽通叟著作行祠海嶽

乾御當陽日坤靈効職初尚煩金馬使行探玉函書  
魁柄熒：揭龍光壘：舒何須封禪草能賦通相如  
送朱本初法師赴豫章玉隆宮四首

北闕層雲紫西山薄雨青薦登稱祀承  
制領殊庭劍彩龍雙角衣文斗七星綠章深夜上神  
輿動秋冥

籍在丹臺上神行劍氣聞天香輕丹：雲珮靜珊：

便駕青鸞去應騎白鶴還名山九域記須為刻屨顏  
鎖蛟惟有杜墮鼠已無家想到真仙宅能回俗士車  
露壇春雪拍雲白夜敲茶人境今雙絕長吟採物華  
久作江西夢翻從薊北遊雲間朝士鳥霞外羽人丘  
汎愛非無別深懷轉益愁山靈宜謝我下瀨有輕舟

登龍山寺後閣

山閣凌虛起江天引望閭連延黃竹浦隱見白龍堆  
雲樹離：出風帆香：來飛車倘堪躡即此妙高臺  
叔能庶訪寄湖南道上詩次韵奉答二首

嶽色寒惟看湖光攬轡收詩如陶菊晚心寄楚蘭秋  
手內青真斧道間白玉舟感時潘騎省有賦莫登樓  
蒼蘅無可揀枕括并宜收正想三湘月能涵七澤秋



關塗非改轍破浪合操舟慎重經綸具遲開五鳳接  
奉陪二府群公重至北沙因而帳飲二首

稍轉龍沙路沙窮導騎休大官聯野飲小客思山遊  
樹色爭知晚峰光悉歲秋移時偃在蓋歸去不驚鷗  
展席方成坐隨閣擇勝亭日斜詩未就風度酒徐醒  
間道收徒御當歌合從伶山公未肯醉爰看晚峰青

寄贈陳君采二首時聞宴坐西峴山中

翠峴岑千仞峰蹊步：迷令人通履屐藉子立階梯  
欲點青雲破須尋白石題是中觀萬象軒豁露端倪  
明：刪述軌本始教千年龜玉初誰毀麟膠合更煎  
如將求杪忽自可制方圓微子孤吾望申歌意惘然  
冒曉雨赴健德門二首

濁潦已波道濃陰欲變暉紛：蛙龜地汨：馬牛群  
城色將無辨人聲僅有聞深思黃通次初不隔浮雲  
一月恒多雨初更抵正朝人皆憂沮洳吾復畏漂搖  
宗祀中嚴誓官班列且條勞筋偶羸馬奔走意全銷

初夏齋中雜題七首

蜀溪：水上先世闢林廬重有江湖思甘從木石居  
樹桐留宿鳳養竹待竿魚一：幽栖事窮年豈負子  
功名如土稔歲月付萍漂病怯衣裘重衰看鬢髮凋  
藥功遲久：酒禍見昭：不是吟詩力何方破寂寥  
壤隔溪流斷門依野次成初非慵應接自是寡將迎  
筍蕨搜山得藍醜入市營貧居薄滋味盤膾敢求精  
經月始一出移時還小勞生涯依馬磨力作問蠶繅



藤刺青陰密，椒花紫艷高。雨晴看爛熳，草徑莫令薶。  
池岸方如截，池波深可涸。出門歌小海，見客思滄洲。  
魚沫吹還息，蛛絲斷忽抽。萬生同一馬，敢望絕鞍鞫。  
紫翠金華色，浮空似玉芝。同巖無百里，間路有千歧。  
鶴背王喬下，鯨魚李白騎。丹經吾解讀，須暇一重披。  
杏：京華信杳，壑畝身食糜。多瞻口黔突，有勞薪  
牲豈雖無具，鮭蔬亦粗陳。朝食猶一飽，不愧在家貧。  
山中九日三首，因寓懷所知。  
九日西風裏，千山落照邊。白頭難諱老，黃菊強為妍。  
酒向鄰家得，杯從舊俗傳。陶潛歸計是，但覺賢詩篇。  
節序匆，換風霜稍。使賜更成狂，事餐菊是初心。  
欲就持螯飲，除非跨鶴尋。一身將一影，獨恨隔雲岑。

湖邊秋水觀送客，具帆搖忽。經年多淒，九日觴  
山中黃葉滿，淇上白雲飛。便作鸞凰去，何妨萬仞翔。

閩臨江范德機以母喪哀毀而卒三首

才名朝士右，行義古人中。正想招旌起，何嗟掩袂窮。  
山川還寂寞，臺閣謾穹崇。此世丹青筆，吾今屬望空。  
服斬誰非子，摧形不有身。使能穿壙入，果勝闕泉親。  
突兀留文冢，淒涼卷釣緜。夜臺開幕府，還借筆如神。  
逝矣音容逝，淒其翰墨存。徒聞春罷相，安用天招魂。  
世已無耆哲，吾猶忝弟昆。生芻雖易具，終愧玉人溫。

哭內二首

汝世嗟何短，吾年亦漸衰。胡為齊甲子，不共數期頤。  
饋奠將誰主，形神自是離。老來多涕淚，情至極生悲。